

Liebe/r Leser/in, Begriffserklärungen finden sich unter folgendem Link:
<http://www.katzbach.com/images/stories/pdf/Briefprokoll-Erklarungen.pdf>

.231.

Kauf P[e]r: 400 f: Vnnd .3. f:

leÿkhauff.

Hanns Lindl: vnnd hans Pockh beede von Kaz=
bach, als yber Weÿl: Geörge Wuezens
gewesten Ambts Vnnderthanns daselbsten
seel:[ig] hunderlassene Wittib : vnnd Künder,
Gerichtlich Verordnete Vormunder, be=
kennen: vnnd Verkhauffen, mit Consens
des churf[ü]r[st]l:[ichen] Pflegambts alhier, das von
gedachten Erblasser seel: eine Zeitlang
Erbrechtsweis ingehabte Gueth Zu er=
nanten Kazbach, mit all dessen Rechtlichen
ein: vnnd Zuegehörungen, Zu Dorf: vnnd
Veldt, nichts hieruon besonndert: noch aus=
genommen, Gleich Er Erblasser solches inge=
habt, genutzt: vnnd Genossen hat, von
welchem besagten Pflegamt Zu Geörgi:
oder Michaeli .1. f: .52. x: .6. hl: Züns,
dann .1. Fas[t]nachthennen: vnnd .6. Pfundt
Hofschmalz verraicht: item .1. tag Mehen
.1. heugen .2. schneiden: vnnd .1. tag Hackhen=
scharwerch Verricht:[et] oder das Gelt
darfur bezalt werden mues, auch im
ybrigen aldahin mit der Mannschaft,
Rais, Steuer vnnd Scharwerch zum Schloß
vf begebenen Verenderungsfahl mit
dem zehenten Pfening handlang: vnnd
all anndern Pottmessigkeiten vnnder=
worfen: vnnd beÿgethann ist. Dem

Ehrbahren Michael Ederer von Roshof:
vnnd Magdalena dessen Eheweib, deren
Erben: vnnd nachkhommen, vmb .250. f:
Dann absonderlich ain paar Oxen .1. Wag=
en .1. Pflueg vnnd .1. Eÿdten, Nitweniger
das Völlig Vorhandtene Getraidt Vfm
Veldt, samt all annderer Haus: vnnd Pau=
mans Vahrnus pr: .150. f: Zesamben aber
vmb: vnnd pr: 400. f: vnnd .3. f: leÿ=
khauff, welchen Kaufschilling der Kauff=
er Volgentergestalten Zubezahlen Ver=
sprochen, Als Erstlichen Zur Angab Vf
negstkxonfftige Johanni .170. f: dann will

er Zu solcher Zeit .1710. Zur Nachfrist
.20. f. erlegen: vnnd hiermit iehrlichen
solanng continuirn, bis der Völlige
Kaufschilling allerdings abgeführt: vnnd
bezalt sein würdt. Negstdeme hat
Kauffer Versprochen, der Wittib .6.
Jahrlanng neben der herberg jehr=
lichen Zur Speis .10. Mezen Khorn,
Vnnd .5. Mezen haabern Zur leitter=
ung Zuuerraichen, dann .1. S: V: Khue
diese Zeit Wüntern, auch die anwandten
neben den Au Veldt Zum Grassen:
Nitweniger ain Mezen lein auspau=
en: vnnd Zur Schmalsath .3. Pifang Veldt,

.232.

Zeÿberlassen, vnnd selbige tungen, hauen:
vnnd pauen, auch das darauf erwaxente Zur
herberg Zuführen, nach Verflissung dieser .6.
Jahr aber, solle sye bei ernanten Gueth noch
.2. Jahr ohnne endtgelt die herberg, weiters
aber khein leitterung mehr haben, Deme
nun in ain: so anndern nachzekommen, haben
beede thail hierÿber bei Gericht handt=
streichlich angelobt. actum den .1. Junÿ
anno .1709.

Testes

Lorenz Huefnagl vnnd Carl Alexius
Heibl beede Gerichts Procuratores.

[.....]

.239.

Einstanndt P[e]r: 400. f: Vnnd .3. f: leÿ=
khauff

Michael Ederer Vom Roshof: vnnd Magdalen=
na dessen Eheweib, bekhennen hiemit in
Crafft diss, von dennen Geörgen Wuez=
ischen Vormundern Zu Kazbach, das von dem
gedachten Erblasser seel:[ig] eine Zeitlang Erb=
rechtsweis ingehabte Gueth daselbsten,
mit all dessen Rechtlichen ein: vnnd Zue=
gehörungen Zu dorf: vnnd Veldt nichts hier=
uon besonndert: noch ausgenommen, Gleich Er
Erblasser solches ingehabt, genutz: vnnd ge=
nossen hat, von welchen Jehrlich dem Chur=

f[ü]r[s]tl:[ichen] Pflegambt zu Geörgi: oder Mich=
aeli .1. f: 52 x: .6. hl: Züns, dann .1.
Fas[t]nachthennen: Vnnd .6. Pfundt hofschmalz
Verraicht: Item .1. tag Mehen .1. heugen
.2. schneidten: vnnd .1. tag hackhenscharwerch
Verricht:[et] oder das Gelt dafür be=
zalt werden mues, auch im ybrigen Al=
dahin mit der Manschaft, Rais, Steur,
Scharwerch Zum Schloß, vf begebenen
Verenderungsfahl, mit dem Zehenten
Pfening Handtlanng: vnnd all anndern
Pottmessigkheiten vnnderworfen:
vnnd beÿgethann ist, mit Dareingab ain
paar Oxen .1. Wagen .1. Pflueg: vnnd .1.
Eÿdten, Nitweniger das Völlig Vor=

handtene Gethraidt Vfm Veldt, sambt all
annderen Haus: vnnd Paumans Vahrnus
pr: .400. f: vnnd .3. f: leykhauff in sich
erkhaufft, Vnnd bemelten Kaufschilling
Vf negstkommente Ja[o]hanni Zur Angab
.170. f: Dann Zu solcher Zeit .1710. Zur
Nachfrist .20. f: Zubezahlen Versprochen
haben, Vnd Darmit solanng continuirn
bis der Völlige Kaufschilling entricht:[et]
vnnd bezalt sein würdt; Zumahlen
aber hanns Schueller von Kazbach,
vnnd Ursula dessen Zuekhünfftigen Ehe=
weib, als ein Tochtermann bei dem
churfrtl. Pflegambt vmb dem einstandt
Zu disen Gueth angeben, vnnd nun ihme
solches von Amtswegen dergestalt=
en Zuerkhandt worden, das Er hin=
gegen schuldig sein solle, eingangs er=
nanten Kauffer nit nur sein bei ab=
redtung des Kauffs ausgelegtes, sonn=
dern auch die bezalte Schreibge=
bühr vom Kauff wieder GuetZumachen;
Als thuet Er Ederer hiemit in Crafft diss
besagten Schueller angeregtes Gueth,
sambt der wenigen Ausnamb vf .6. Jahr,
vf mas: vnnd weis: wie Er selbiges

.240.

an sich erhandlet hat, cedir[e]n: [übereignen] vnnd ab=
treten. So geschechen den .8. Junÿ
anno .1709.

Testes

Carl Alex Heibl: vnnd Lorenz Huef=
nagl beede Gerichts procuratores alhier mm.

[.....]

© Transkription by Josef Ederer Katzbach 33

Datei: 00055-Staam_2018-12-20_12-21-49